



Broj: 01-02-9804/25-6
Ilidža, 27.11.2025.godine

Na osnovu člana 29. stav 1. tačka 2. Zakona o lokalnoj samoupravi - Prečišćeni tekst ("Službene novine Kantona Sarajevo", broj: 22/00) i člana 28. Statuta Općine Ilidža - Prečišćeni tekst ("Službene novine Kantona Sarajevo", broj: 33/10 i 18/16), Općinsko vijeće Ilidža na prijedlog Općinskog načelnika, na 13. redovnoj sjednici održanoj dana 27.11.2025.godine, donijelo je,

ODLUKU

o stipendiranju djece bez oba roditelja i djece bez roditeljskog staranja učenika i studenata u školskoj/akademskoj 2025/2026.godini

Član 1.

(Predmet Odluke)

Ovom odlukom utvrđuju se uslovi za stipendiranje djece bez oba roditelja i djece bez roditeljskog staranja, učenika osnovnih i srednjih škola i redovnih studenata u školskoj/akademskoj 2025/2026.godini.

Dijete bez roditeljskog staranja je dijete bez oba roditelja, nepoznatih roditelja, napušteno od roditelja, lišenih roditeljskog prava spriječenih da vrše roditeljsku dužnost.

Član 2.

(Dobitnici stipendija)

(1) Stipendije se dodjeljuju djeci bez oba roditelja, kao i djeci bez roditeljskog staranja koja imaju prebivalište i boravak na području općine Ilidža najmanje jednu godinu i koja redovno pohađaju školu odnosno redovno studiraju, ali najduže do navršene 27 godine života.

(2) Stipendije se dodjeljuju i djeci bez roditeljskog staranja koja su smještena u ustanove dječije i socijalne zaštite a sa područja su općine Ilidža.

Član 3.

(Visina i dužina dodjele stipendije)

Za stipendiranje djece iz člana 1. ove odluke za školsku 2025/2026.godinu odobravaju se sredstva iz Budžeta Općine Ilidža u mjesečnim iznosima:

- | | |
|--|-----------|
| • Učenicima osnovnih i srednjih škola po | 143,00 KM |
| • Redovnim studentima po | 192,00 KM |

Isplate sredstava će se vršiti počev od 01.10.2025.godine završno sa 30.09.2026.godine.

Član 4.

Sastavni dio ove Odluke je spisak djece stipendista koji je sačinjen u saradnji Službe za socijalna pitanja, zdravstvo, izbjeglice i raseljena lica Općine Ilidža i JU Kantonalni centar za socijalni rad Sarajevo - Službe socijalne zaštite općine Ilidža.

Član 5.

- (1) Ovu odluku realizovati će Služba za finansije Općine Ilidža
- (2) Ukoliko korisnik stipendije iz bilo kog razloga izgubi pravo na stipendiju Služba za socijalna pitanja, zdravstvo, izbjeglice i raseljena lica Općine Ilidža i JU Kantonalni centar za socijalni rad Sarajevo - Služba socijalne zaštite općine Ilidža, će pismeno obavjestiti Službu za finansije Općine Ilidža.

Član 6.

Ova odluka objavit će se u "Službenim novinama Kantona Sarajevo".

PREDSJEDAVAJUĆI

Stambolić Tarik, magistar poslovnog prava

DOSTAVLJENO:

1. Općinski načelnik
2. Služba za socijalna pitanja, zdravstvo, izbjeglice i raseljena lica
3. JU Kantonalni centar za socijalni rad Sarajevo,
Služba socijalne zaštite općine Ilidža
4. Služba za finansije
5. Kabinet načelnika-za objavu na WEB stranici
6. Evidencija
7. a/a